

UVOD

Knjiga ima za cilj da čitaocima približi pravila i principe rada savremene špedicije. Međusobne veze materijalnih, energetskih i informacionih tokova, danas, podliježu principima intenzivne koordinacije i integracije svih sistema i procesa preko kojih se prostorno, vremenski i kvalitativno transformišu robni tokovi u procesu reprodukcije.

Autori knjige nastoje da sintezom dugogodišnjeg rad, iskustveno približe osnove poslovanja jedne špedicije, dopuna osnovama je svakako carinsko poslovanje kao nezaobilazni element ispunjavanja klijentovih zahtjeva.

Autori kratko obrazlažu potrebu za sveobuhvatnu i jednovremenu optimizaciju svih karika materijalnih, energetskih i informacionih tokova. Cjelovito posmatranje tokova na putu od izvora sirovina do krajnjeg potrošača finalnih proizvoda je zadatak savremene špedicije - špeditera.

Također, špediter je nosilac integrativne funkcije, u fizičkom smislu je logistička jedinica koja prolazi kroz sisteme bez ili sa neznatnim izmjenama.

Cilj knjige je da edukacijom doprinese stvaranju novog profila stručnjaka logistike-špedicije, osposobljenog da projektuje i upravlja logističkim sistemima i procesima. Kako se savremena špedicija nalazi u presjeku različitih stručnih disciplina kao multidisciplinarna oblast, stoga svaki napredak i razvoj u bilo kojoj od tih oblasti se reflektuje na razvoj špedicije, a njen razvoj impulsivno, povratno djeluje na razvoj ostalih disciplina, što u zatvorenom iterativnom krugu predstavlja činilac sveukupnog privrednog razvoja.

Osnovni zadatak međunarodnog špeditera je da svog nalogodavca oslobodi cjelokupne brige oko otpreme ili dopreme robe, kao i svih poslova u vezi sa tim. Knjiga je svojevrsni priručnik, kako zastudente slušaaoce kolegija Špedicija, tako i za one koji se tek počinju baviti poslovima savremene špedicije ili su već stasali kaoiskusni špediteri.

Knjiga u cjelosti prati nastavni plan i program kolegija Špedicija na Visokoj školi Logos-centar Mostar i Visokoj školi Centar za poslovne studije, Kiseljak.

Svaka sugestija, uočeni propust ili potrebne dopune, koje uočite ili primjetite su dobro došla.